

Inungnun Tuhaqtitauyukhaq
Nunavut quviahuutigiyaat Nunaqyuami Iviangirnit
Amaamaktittinirmut Havainiq

Aullaqtirvia Ublua: Tattiarnaqhilirvia 1, 2019
Nutqarvikhaq Ublua: Tattiarnaqhilirvia 7, 2019
Nunavunmi-tamainni

60 sec

Nunavut quviahuutigiyaa Nunaqyuami Iviangirnit Amaamaktittinirmut Havainiq atulihaaliqqat havainiqmi Tattiarnaqhilirviani. Nunaqyuami Manarhiliqiyiqyuat (World Health Organization) unalu Nunavut Kavamanga Munarhiliqiyitkut pitquiyut tamaita mirraat iviangirnit amaamaktitiyauyukhat hivulliqni 6-ni tatqirhiutini.

Iviangirnit miluk:

- nakuutqiyag niriyaqhani mirraanut nakuuyumik aanniartailidjutikhaat angiqliyuumiyaamingnilu;
- ikayuutauyuq hiulliuqnaitumut, anirnikhaarutitut timimi aanniarutainut, puvaklirnimut (pneumonia), itiktalaqinirmut unalu hinikhutik mirraat tukuvaktut aanniarhimaittumik; uvalu
- akituvallaangittug nakuuvlunilu.

Iviangirnit amaamaktittiniq ayuiqhaqtauhimayuq ayungnaqhivakhunilu ilaani. Tamapta pidjutikhaqaqtugut ikayuqluta iviangirnit amaamaktitivaktunut maamauyunut. Munaqhit, hingaiyunut ikayuqtit, nunallaanilu Kanatami Hingaiyunut Nirittiarutiliqiyinut Ikayuutikhat (Canada Prenatal Nutrition Programs -CPNPs) aallallu maamauyut ayuiqhimayut iviangirnit amaamaktittinirmut ikayuinnarialgit. Ilaqatigiit ikayuinnariaqaqtullu iviangirnit amaamaktitinyunut maamauyunut ikayuqlugit piyumayainut upalungaiyaklutikluunniit nakuuyunik niriyakhanik uumatut qayuq nattirnit.

Uumani ukiungani, Nunavunmi CPNP-nguyut quviahuutigiyaat Nunakyuami Iviangirnit Amaamaktittinirmut Havainiq hivuliqtiulutik uumunga Iviangirnit Amaamaktitinirmut Akuukhaarutaanut. Piumayugut amigaitunik amaamanik ivianikkut mamaktitiyunik atautimi atauhirmi nayugaangani. Tamaita nunallaat ilautquyauyut. Uqaqvigilugu nunallaangni CPNP naunaikhilutit kakugu nunallaat hulilukaarutiginiagtaannut.

###

Tuhaqtipkainikkut Uqarvigijakhaq:

Alison Griffin
Manager of Communications
Munaqhiliqijitkut
867-975-5949
AGriffin@gov.nu.ca

ᐱᕐᕐᕐᕐᕐᕐ ᕐᕐᕐᕐᕐᕐᕐᕐᕐ ᐱᕐᕐᕐᕐᕐᕐᕐᕐ ᐱᕐᕐᕐᕐᕐᕐᕐᕐ, ᕐᕐᕐᕐᕐᕐᕐᕐ, ᐱᕐᕐᕐᕐᕐᕐᕐ ᐱᕐᕐᕐᕐᕐᕐᕐ ᐱᕐᕐᕐ, www.gov.nu.ca.
News releases are available in Inuktitut, English, Inuinnaqtun and French on www.gov.nu.ca.
Tuhaqtitaujukhat hailihimajun Inuktitut, Qablunaatut, Inuinnaqtun Uivitunlu uvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.

Tuhaqtidjutikkut